

**SINDIKAT GRANIČNE POLICIJE**

**P R A V I L N I K**  
**O KASI UZAJAMNE POMOĆI**

**Sarajevo, 05.03.2009. godine**

## **UVODNE ODREDBE**

### **Član 1.**

Kasa uzajamne pomoći (u daljem tekstu: Kasa), osniva se pri Sindikatu Granične policije.

### **Član 2.**

Svrha Kase jeste da članovima Sindikata korisnicima Kase pruži povratnu odnosno bespovratnu novčanu pomoć prema odredbama ovog Pravilnika i prema raspoloživim sredstvima .

### **Član 3.**

Korisnikom Kase se postaje samovoljnim popunjavanjem i potpisivanjem pristupnice Kase na unificiranom obrazcu .

### **Član 4.**

Pojmovi u smislu ovog Pravilnika imaju slijedeća značenja :

Korisnici Kase - članovi Sindikata GP koji ostvaruju pravo na povratnu i bespovratnu novčanu pomoć.

Odbor Kase - sastoji se od pet članova koji razmatraju zahtjeve i donose odluke o dodjeli novčanih pomoći, od kojih je jedan predsjednik Odbora.

Stručno lice - sastoji se od dva člana, koji će voditi evidencije Kase te knjigovodstvene poslove Kase.

Zahtjev za promjenu uloga - odgovarajući obrazac kojim korisnik Kase traži promjenu visine mjesečnog uloga.

Zahtjev za povratnu novčanu pomoć - odgovarajući obrazac kojim korisnik Kase traži povratnu novčanu pomoć.

Zahtjev za povrat novčanog uloga - odgovarajući obrazac kojim korisnik Kase ujedno traži povrat svog uloga i ispis iz Kase.

Zahtjev za bespovratnu pomoć - odgovarajući obrazac kojim korisnik Kase ( ili povjerenik Sindikalne podružnice) traži bespovratnu novčanu pomoć za korisnike iz člana 17. ovog Pravilnika.

## **POSTUPAK, PRAVA I OBAVEZE**

### **POVRATNA NOVČANA POMOĆ**

### **Član 5.**

Zahtjev za promjenu novčanog uloga , Zahtjev za povratnu novčanu pomoć ili Zahtjev za povratom novčanog uloga i ispis iz Kase podnose se povjereniku Sindikalne podružnice najkasnije do dvadesetog u mjesecu.



## **Član 9.**

Nova pozajmica može se odobriti jedino po urednoj otplati prethodne, sa vremenskim periodom najmanje dva (2) mjeseca po završetku otplate.

Iznimno od stava 1. ovog člana, ukoliko je korisniku Kase opravdano i hitno potrebna nova novčana pomoć, obavezan je ostatak duga po prethodnom odobrenju izmiriti uplatom na žiro račun Kase .

Mogućnost prebijanja iznosa odobrene novčane pomoći sa iznosom uloga korisnika Kase ne postoji, niti će se razmatrati .

## **Član 10.**

Korisnici povratne novčane pomoći svojim potpisom na Zahtjevu, kao i žiranti potpisnici Izjava, pristaju i ovlašćuju Kasu odnosno Sindikat Granične policije da iz njihovih plaća naplati dospjelo a nepodmireno potraživanje .

Ako korisnik povratne novčane pomoći u roku ne otplati svoj dug, Kasa će prvenstveno naplatiti svoja potraživanja od uplaćenog uloga korisnika.

Ako ni ta sredstva ne budu dovoljna za izmirenje duga korisnika, Kasa će u skladu sa stavom 1. ovog člana administrativnim zabranama ostvariti svoja prava naplate duga korisnika iz plaće žiranta.

## **Član 11.**

U slučaju smrti korisnika Kase njegov ulog se predaje članovima porodice, a ukoliko je korisnik bio dužan ulog se prebija sa pozajmicom ili sa bespovratnom posmrtnom novčanom pomoći, te se ostatak uloga uručuje porodici.

Nenaplativi iznos duga u slučajevima iz prethodnog stava, podmiruje se kao izvanredni rashod na teret sredstava Kase ostvarenih od mjesečnih članarina i kamata. Odluku o tome donosi Odbor na svojoj sjednici.

## **Član 12.**

Korištenje sredstava Kase uvjetovano je šestomjesečnim članstvom u Kasi.

Prije nego što donese odluku o isplati novčane pomoći, Odbor je obavezan razmotriti listu svih kandidata vodeći računa o članskom ulogu, datumu zadnjeg davanja novčane pomoći, datumu podnošenja Zahtjeva, te drugim pravilima za davanje novčanih pomoći koje će donijeti Odbor, a po odlučivanju obrazložiti prednost jednih u odnosu na druge (ako ne postoji mogućnost istovremenog udovoljavanja svim Zahtjevima) .

## **Član 13.**

Odobrena sredstva novčane pomoći uplaćuju se na tekuće račune korisnika.

#### **Član 14.**

Na odobrena sredstva izračunava se naknada obračuna troškova od 1% iznosa novčane pomoći.

#### **Član 15.**

Izvori sredstava Kase iz kojih se odobravaju povratne novčane pomoći, formiraju se mjesečnom članarinom svih korisnika u iznosu 0,50% od neto plate i mjesečnim ulogom korisnika koji ne može biti manji od 25,00 KM, a može biti veći po vlastitom izboru.

Svaki korisnik Kase ima pravo promijeniti svoj ulog na način da se do dvadesetog u mjesecu obrati sa Zahtjevom za promjenu uloga.

Ne može se jednokratno uplatiti određeni iznos novca radi povećanja svog uloga, već se ulog povećava isključivo putem mjesečnih uplata na osnovu potpunjenih Zahtjeva o ulogu.

#### **Član 16.**

Rashodi Kase čine troškovi nabavke uredskog materijala, troškovi PTT usluga, troškovi vođenja evidencija i knjigovodstva, troškovi provođenja administrativnih zabrana na plaću dužnika ili žiranata, troškovi rada Odbora i stručnog osoblja, te izvanredni rashodi. Isti se finansiraju iz doprinosa ostvarenih mjesečnom članarinom korisnika Kase.

### **BESPOVRATNA NOVČANA POMOĆ**

#### **Član 17.**

Bespovratna novčana pomoć isplaćuje se prilikom smrti korisnika Kase, po člana 11. stav 1. ovog Pravilnika.

Zahtjev iz stava 1. ovog člana popunjava povjerenik Sindikalne podružnice i u prilogu dostavlja dokaz:

- Izvod iz matične knjige umrlih preminulog korisnika Kase.

Po zaprimanju Zahtjeva, isplata se vrši najkasnije petog dana nakon dospijeća prve plaće.

#### **Član 18.**

Visina bespovratne novčane pomoći iz člana 17. stav 1. ovog Pravilnika iznosi 1.000,00 KM.

#### **Član 19.**

Bespovratna novčana pomoć bit će isplaćena i na Zahtjev povjerenika Sindikalnih podružnica u izvanrednim nepredvidivim situacijama kod teških oboljenja korisnika Kase, o čemu će odlučivati Odbor na osnovu donešenih pravila kao i o visini novčane pomoći.

## **Član 20.**

Bespovratna novčana pomoć isplaćuje se iz doprinosa ostvarenog uplatom mjesečne članarine korisnika Kase .

## **PRELAZNE I ZAVRŠNE ODREDBE**

## **Član 21.**

Prvih šest (6) mjeseci od primjene ovog Pravilnika, sredstva za funkcionisanje Kase do njenog osamostaljivanja osiguravaju se iz fonda Sindikata Granične policije kao pozajmica.

Po isteku roka iz stava 1. ovog člana Sindikat može povući svoju pozajmicu.

## **Član 22.**

Iznimno od odredbi ovog Pravilnika, za prvih šest mjeseci od njegove primjene odobravat će se samo bespovratne novčane pomoći .

## **Član 23.**

Kada prestana potreba za postojanjem Kase ili se broj korisnika Kase smanji da više nema mogućnost izvršavati svoju osnovnu namjenu, donosi se odluka o redovnoj likvidaciji Kase.

Odluku o likvidaciji Kase donosi Upravni odbor Sindikata na prijedlog Odbora Kase.

## **Član 24.**

Ovaj Pravilnik stupa na snagu danom usvajanja.

Broj: 88 -1 /09

Dana, 05.03.2009. godine

**PREDSJEDNIK SINDIKATA GP  
Ahmet Turčinović**